# SERMON CINQVIEME,

Sur Hebr. Chap. VI. verf. 13----18.

Car quand Dieu fit promesse à Abraham, pource qu'il ne pouuoit iurer par un plus grand, il iura par soy mesme, disant, Certes ie te beniray abondamment & te multiplieray merueilleusement: & ainsi Abraham, ayant attendu patiemment, obtint la promesse. Car les hommes iurent par un plus grand qu'eux; & le serment fait pour consirmation leur est la fin de tout different. En quoy Dieu voulant monstrer d'abondant l'immuable fermeté de son conseil aux heritiers de la promesse, s'est entrepose par serment. Afin que par deux choses immuables, esquelles il est impossible que Dieu mente, nous ayons une ferme consolation.

ALLIANCE de grace, mes freres, comme le plus haut & plus illustre de tous les moyés,

par

Sur Hebr.chap.6.vers.13--18. 879 par lesquels Dieu a voulu se glorifier, est en tout admirable, assauoir non seulement és biens qu'elle presento aux hommes, & au merite par lequel elle les presente; mais aussi en la condition qu'elle requiert de l'homme. Les biens qu'elle presente ne sont pas les delices d'vn paradis terrestre, come representoit l'alliance de nature traittee auec Adam; ou les biens d'vne terre de Canaan, comme faisoit l'alliance legale traittee auec le peuple d'Israël: mais les biens d'vn Paradis celeste, & les delices du royaume des cieux, & (ce qui est merueilleux) elle presente ces choses à l'homme, tombé par le peché dans la mort & malediction. Car si l'alliance de nature & l'alliance legale promettoyent vne continuation de vie terrienne, c'estoit à l'homme iuste: mais cette-ci, s'addressant aux pecheurs, leur presente des biens plus excellens que ne faisoyent les autres, assauoir des biens qu'æil n'auoit point veus, qu'oreille n'auoit point onys, & qui n'estoyent point montés en cœur d'homme.

Le merite pour lequel elle presenta

Sus Christ.

ces biens, & le sacrifice du propre Fils de Dieu; non des sacrifices de taureaux & des boucs, que la Loy requeroit; mais l'oblation d'une victime diuine, assauoir du corps de Iesus Christ, selon que dit Iesus Christ entrant au monde es. 40. à Dieu son Pere, Tu n'as point pris plaisir és holocaustes & sacrifices & en l'aspersion pour le peché; mais tu m'as approprié un corps: Me voici venu, que ie face, ô Dieu, tavolonté: par laquelle volonté, dit l'Apostre, nous sommes sanctifiés, assauoir par l'oblation une sois faite du corps de Ie-

Et quant à la condition qu'elle requiert de l'homme, c'est vne shose merueilleuse que ce soit la soy, c'est à dire, que Dieu, ayant liuré son Fils à la mort pour les hommes & leur donnant son Paradis, ne requiere sinon, qu'ils ne set point en doute de son amour, qu'ils croyent les biens que Dieu leur fait, & prennent consiance en sa mise-

ricorde. Condition de laquelle nous vous representasmes dernierement, qu'elle rend l'alliance entierement

Sur Hebr.chap.6.ver/.13-18. 881 & receuoir, & proprement ne donne rien: tout de mesme, que quand vous baillez l'aumosne à vn povre, ce que le povre tend & ouure la main, ne vous donne rien, mais est seulement vne acception du bien que vous luy faites. Au lieu qu'en l'alliance de nature & en celle de la Loy, l'homme auoit à donner à Dieu vne entiere & parfaite obeiffance, par le merite de laquelle l'homme obtenoit les biens; mais l'alliance de grace, où l'homme est pecheur & destitué de toute justice, ne pouuant rien donner il falloit qu'il acceptast & receust l'abondance de gra-

Secondement nous vous monstrasmes que la foy glorisie Dieu souuerainement, en donnant lieu à sa charité,
qui est entre toutes les vertus de Dieu
celle en laquelle il a constitué sa gloire. Dont lesus Christ disoit en S. lean
chapitre 6. C'est icy l'ænure de Dieu,
que vous croyiez en celuy qu'il a ennoyé;
l'œuure de Dieu, c'est à dire, l'œuure
qui de toutes est la plus agreable à
Dieu. En troisième lieu que cette soy
& persuasion de la charité de Dieu a la
K k k

ce & du don de instice.

vertu de renouueler les cœurs en justice & saincteté: car comme ainsi soit que nostre volonté se meuue selon les impressions de l'entendement, & que nous aimons ceux que nous conceuons nous estre fauorables & nous aimer: quel moyen y auoit-il de porter plus fortement l'homme à aimer Dieu, qu'en luy persuadant que Dieu l'aime & luy est deuenu Pere en Iesus Christ? Car l'homme pecheur, coccuant Dieu irrité contre luy, ne pouvoit sinon s'enfuir de deuat Dieu, comme Adam, & conceuoir auec la frayeur, de la haine, comme aussi (par vn desespoir d'obrenir grace) s'abandonner à peché. Voicy donc la foy, qui, comme vne perfuasion de la grace & charité de Dieu, remplit le cœur de l'homme d'amour enuers son Dieu, & d'vn desir ardent de renoncer à tout ce qui desplaist a celuy duquel il se voit souucrainement aimé. Icy il obeit à Dieu, non plus par vne crainte seruile, & par la seule apprehension de la peine, mais par vne obeiffance filiale, comme perfuadé qu'il a Dieu pour Pere: cette foy ostat des cœurs l'esprit de servitude, & donnant

# Sur Hebr.chap.6.vers.13-18. 883

donnant vn esprit d'adoption, par lequel nous crions Abba Pere. A cela ioignez, que cette foy, persuadant à l'homme que Christ le Fils de Dieu est mort pour ses pechés, luy fait abhorrer le peché comme chose execrable: & suy monstrant la beauté du royaume des cieux, suy fait mespriser les biens passagers de ce siecle, & les delices de peché.

"Telle estant l'excellence, l'vtilité & l'efficace de la foy, c'est auec grand sujet que l'Escriture nous exhorte fifrequemment à l'establir en nous, & nous induit par diuers argumens à prendro vne pleine certitude de nostre esperant ce & de la faueur de Dieu : aussi est-elle le but des Escritures; comme dit S! Ican, Ces choses sont escrites, afin que vous Ican ici crojiez & qu'en crojant vous ajez la viel eternelle. Et en co chap. 6. de l'Epistre aux Hebreux l'Apostre nous y induict par diuers argumens. Et certes autant que la foy nous est necessaire, mes freres, autant y auons-nous naturellemée de contrarieté. Il y a dedans nous des profondeurs de desfiance fi grandes qu'il n'y a que l'œil de Dien qui puille Kkk ij

Digitized by Google

en voir le fonds. Et si le remie s'escrioit. Iron 17. Le cœur de l'homme est desesperément malin, qui le connoistra? Nous pouuons dire particulierement, qu'il est desesperément incredule, & que nous ne pouuons nous-mesmes assez connoistre la difficulté naturelle que nous auons de croire en Dieu. S'il faut cercher les causes de ce mal; il me semble qu'on en peut donner deux. La premiete est l'inclination naturelle de l'homme au mensonge: car comme l'homme sent ses inclinations à mentir à autruy, aussi entre-il naturellement en desfiance d'autruy enuers soy; voire mesmes de Dieu, d'autant qu'il mesure Dieu par soy-mesme, & rend Dieu semblable à soy: Cartelle a esté l'efficace du peché en nos ames, qu'il y a obscurci ce qui y resplendissoit des vertus de Dieu, & nous a donné des impressions contraires à la verité de ses proprietés, la chair estant deuenue inimitié contre Dieu. (ainfi qu'en parle l'Apostre au 8.de l'Epistre aux Romains) de là vient que l'Escriture combattant ces impressions faites par le peché, nous crie, que Dieu n'est point comme l'homme qu'il mente.

# Sur Hebr.chap.6.vers.13---18. 883

mente, ne comme le fils de l'hommo qu'il se repente. La seconde cause est vn grand sentiment naturel que Dieu a mis en nos consciences, de son ireà l'encontre du peché, tellement quo nous sentans pecheurs, & iugeans que Dieu a vne haine extreme à l'encontre du peché, comme d'vne chose du tout contraire à son estre, nous ne pouuons croire qu'il nous vueille faire du bien; cette Maiesté diuine, si tost que nous la conceuons, nous fait trembler de la frayeur de son ire, & nous ne la conceuons que comme armee de vengeances à nostre destruction. Voila d'où viennent les obstacles à croite les promesses de l'amour & de la faueur de Dieu. Cela vous disons-nous, mes freres, pour vous faire mieux comprendre l'argument que l'Apostro nous propose contre nostre incredulité & desfiance, assauoir le serment de Dieu.

L'Apostre és paroles que nous vous expossimes dernierement, ayant loué les Hebreux de leur charité, auoit dit, Nous desirons que chacun de vous monstre le mejme soin pour la pleine certitude de

l'esperance susqu'à la fin, a fin que vous ne deueniez lasches, mais ensuiniez ceux qui par foy & patience recoinent les promesses en herstage: Et il sembloit qu'en suite il devoit simplement mettre en avant la foy & la patience d'Abraham, comme vn exemple que les Hebreux reconnoissent estre puissant enuers eux. Mais . l'Apostre, par vne singuliere dexterité 'entrelace dans cet exemple d'Abraham vn nouvel argument contre nos de fiances, assauoir que Dieu saisant promesse à Abraham interuint par serment: tellement que l'Apostre pour vn argument en donne deux. Voicy ses paroles: Car, dit-il, quand Dien fit promesse à Abraham, pource qu'il ne pouuoit iurer par un plus grand, il iura par soymesme, disant, Certes ie te beniray abondamment, & te multiplieray merueillensement. Et ainsi Abraham ayant attendu patiemmet, obtint la promesse. Car les hommes iurent par un plus grand, de le serment fast pour consirmation, leur est la fin de tout different. En quoy Dien voulant monstrer d'abondant l'immuable fermeté de Son conscil aux heritiers de la promesso, s'est entreposé par serment, asin que par deux

Sur Hebr.chap.6. vers. 13-18. 287
deux choses immaables, esquelles il est in a
possible que Dieu mente, nous aytons serma
consolation. Esquelles paroles nous as
uons à remarquer deux poincts, assau,
& l'argument pris du serment de Dieu;
& l'exemple de la foy d'Abraham;
Vien ici, ô homme, voir le soin que
ton Dieu a de te tirer de ton incredulité & t'induire à mettre ta siance en
luy: Et vien ici reconnoistre combien
tu es & malin & ingrat; si tu persistes
en ton incredulité.

#### I. POINCT.

Donques quant au premier, il nous faut mettre l'argument de l'Apostre en sa forme, & vous representer comment l'Apostre le deduit. L'argument est tel: Si le serment fait par les hommes pour confirmation, est la sin de tout different: le serment que Dieu a entreposé pour la confirmation de ses promesses doit aussi estre la sin de tout different, e'est à dire, de nos doutes & dessinaces: Or le serment fait par les hommes est la sin de tout different. Donques celuy par lequel Dieu est interuenu enuers nous doit ofter de nos Kkk iiii

esprits toute doute & desfiance. Et quand l'Apostre dit, que Dieu est interuenu par deux choses immuables, esquelles il est impossible qu'il mente. Premierement, c'est comme s'il disoit, Si les hommes, qui sont sujets à inconstance & à mensonge, neantmoins quand ils ioignent à leur parole le serment, il faut que le ferment termine le different: beaucoup plus faut-il que le serment de Dieu, puis qu'il ne peut mentir, soit de mesme esse envers nous. Et l'Apostre ne dit pas seulement, que Dieu ne ment point, mais qu'il est impossible qu'il mente : pour representer que si les hommes ne mentent pas, neantmoins ils pourroyent mentir: mais il ya en Dieu vne impofsibilité absolue de mentir. D'où s'ensuit que son serment doit à plus forte raison terminer nos doutes & dessiances. Et en cela il y a vne raison, assauoir que si la seule parole de Dieu estant immuable, doit terminer nos doutes, combien plus auec sa parole son serment, qui sont deux choses immuables? Or contre cet argument pouuoyent estre faites deux objectios, des3

desquelles l'Apostre va au deuant:L'vne, que l'Apostre ne pouuoit dire que Dieu fust interuenu par serment, pource que la forme du serment, qui est de iurer par vn plus grand, ne peut auoic lieu en Dieu. A quoy l'Apostre respod, que voirement les hommes iurent par vn plus grand: mais que Dieu ne pouuant iurer par vn plus granda iuré par soy-mesme, & par consequét que rien ne defaut à la forme de son jurement: voire de là il s'ensuit, que son serment est d'autant plus valable, que Dieu n'a aucun plus grad que soy, & est luy-melmes la Majesté, dont le respect retient les homes de mentir en leurs sermens. L'autre objectió est: que puis que la parole de Dieu est immuable,& que Dieu ne peut mentir, si Dieu interuenoit par serment, son serment seroit superflu. A quoy l'Apostre va au deuant, en disant, quo Dieu a voulu monstrer d'abondant la fermeté de son conseil, aux heritiers de la promesse: par lesquelles paroles l'Apostre fait deux distinctions: l'vne, entre vne necessité & vne surabondance d'aides à la foy des hommes; le serment de Dieu n'estant pas de necessité,

pour ce que la promesse suffisoit; mais de surabondance, assauoir d'vne bonté immense,par laquelle Dieua voulu affermir nostre foy. Et l'autre distinction est, que ce serment n'est pas pour sa parole, mais pour les heritiers de la promesse, e'est à dire, que ce n'estoit pas que la parole de Dieu manquast de fermeté, mais que les heritiers de la promesse auoyent besoin que Dieu subvinstàleur infirmité. Aussi remarquez ce mot de conseil, c'est à dire, vne volonté addressée par lagesse, oppolee à ce que les hommes entreprennent legerement & à la volce : car les choses qu'ils font par dessein & conseil, sont plus fermes que celles qu'ils font sans y penser, desquelles apres ils se repentenr& les revoquent: L'Apostre donc parle du conseil de Dieu, pour exprimer vne vologié du tout immuable: felon que Dien dit par les Prophetes, Mon conseil tiendra, & ie mettray en effect tout mon bon plaisit.

Mais deux choses encor doiuent estre considerces en la deduction de cet argument: l'vne, quand c'est que Dieu s'entreposa par serment: & l'au-

Sur Hebr.chap.6. vers.13-4-18. 891 tre, quelle est la nature de la promesse, en laquelle il s'entreposa par sermét,& comment l'Apostre peut inferer que cette promesse, ayant esté faite à Abraham, appartient à tous les heritiers de la promesse. Quant à la premiere, l'Apostre produit les paroles du 22. du Genese,où Dieu, apres qu'Abraham eust esté sur le poince de sacrifier son fils vnique, lui dit, qu'il le beniroit & m tiplieroit tres abondamment: Or en ce lieu là le serment de Dieu est formellement allegué, l'ay iuré par moymesme, dit l'Eternel, Pour autant que tu as fait cette chose, & que tun'as point espargné ton fils, ton unique : Pour certain ie te beniray & multiplieray tres-abodamment. Or l'allegation de ces dernieres paroles est vne indication du lieu où le serment de Dieu se trouue. Remarquez ces mots, j'ay iuré par moy-mesme, Dieu engageant à nostre salut son estre mesmes, & par ce moyen tout ce qu'il a de vertus, & qu'ila d'authorité, & no laissant rien qu'il n'oblige à nostre bien. Partant si nous considerons, pour exemple, sa misericorde; il faut que nous dissons, que cette misericor-

de ne peut qu'elle ne soit au dessus de nos pechés, pource que c'est la misericorde, qui est Dieu mesme, qui est l'estre de Dieu, & par consequent infinie & au dessus de toutes choses : si tes pechés sont montés iusqu'au ciel, di que cette misericorde surpasse les cieux des cieux. Si nous regardons saiustice, elle est engagee à nous iustifier; comme en effect, depuis ce serment de Dieu, sa iustice en la nouvelle alliancea estévne iustice iustifiante, absoluante, selon que dit l'Apostre au 3. de l'Epistre aux Romains, Dieu a ordonné Iesus Christ de tout temps pour propitiatoire par la foy en son sang, afin de demonstrer sa instice au temps present, à ce qu'il soit trouné inste & instifiant celuy qui est de la foy de lesus. De mesmes en est-il de la puissance de Dieu, assau. que Dieu l'oblige à nostre redemption & protection contre tous ennemis & tous maux, voire l'oblige en son degré fouuerain, en son infinité; & pourtant aussi oyez-vous le Seigneur disant, Ne Esaie 41. crain point vermisseau de l'acob, car ie suis ton Dieu, & ton garent est le Sainct d'Israël, ie t'aideray, ie te soustiendray par la dextre

Sur Hebr.chap.6.ver [.13--18. 895 dextre de ma instice. D'abondant, Dieu iurant par soy-mesme, engage toutes les choses qui dependent de son ordre, de son authorité & de sa prouidence: & par consequent en vertu de ce serment il faut que toutes choses aident en bien au fidele, & qu'il n'y ait minumes mort, ni vie, ni Anges, ni principanté, ni puissance, ni hautesse, ni profondeur, ni aucune autre creature qui nous puisse separer de la dilection de Dieu, qu'il nous a monstree en lesus Christ. Et que diray-ie, que Dieu, s'estant par ce serment obligé luy-mesmes au salut des fideles, s'est aussi donné soy-mesme en liurant son Fils à la mort pour nous? Vien, ô homme, voir ici l'accomplissement du ferment de Dieu : comme il auoit iuré par foy-melme, aussi il s'est donné soymesme,car c'estDieu luy-mesmes,c'est l'Eternel, selon que dit Esaie, L'Enfant Bs. 2 nous est né, le Fils nous a esté donné, & on l'appelera,l' Admirable, le Dieu fort & viuant, le Pere d'eternité; celuy qui a esté donné estant en son Pere & le Pere en luy, c'est à dire, vn seul & mesme Dieu auce luy.

Quant à l'autre difficulté qui est,

### 894 Sermon Cinquienne

que la promesse que l'Apostre allegue, semble anoir esté faite particulierement à Abraham: Item, qu'elle semble n'estre que de biens terriens & temporels: l'Apostre alleguant vne promesse faite à Abraham en consideration de ce qu'il n'avoit point refusé de mettre à mort son Fils, ce qui estoit vne obeissance particuliere d'Abraham. De mesme, quand Dieu promit à Abraham de le multiplier abondamment, il explique cela, de tellement benir les generations d'Isaac & de Iacob, que leur posterité fust innombrable comme les estoiles du ciel & le sablon de la meri Et ce qu'il avoit dit, qu'il seroit le loyer d'Abraham, il l'explique des benedictions temporelles qu'il luy donneroit tant pendant fa vie, en cheuance & richesses, qu'au regard de sa posterité és biens de la terre de Canaan, comme nous eyons en Genef.chap.14.& 15.que Dieu luy dit, Leue tes yeux & regarde vers Septentrion, Midy, Orient & Occident. Car ie te donneray & à taposterité à iamais tout le puis que tu vois; & feray que ta posterité sera comme la poudre de la terres elle habitera comme eftrangere en un pays

Digitized by Google

Sur Hebr.chap.6.vers.13-18. 895 non sien, & seruira aux gens du lieu: mais ausi ingeray-ie la nation à laquelle ils serniront; & puis apres ils sortiront anec grande cheuance, & toy tu t'en iras vers tes peres en paix, & seras enterré en bonne vieillesse. Or il est aisé de soudre la premiere difficulté. Car il est constant quo l'Apostre aici esgard aux promesses de l'alliance traittee auec Abraham en qualité de pere, pour toute sa semence. Car que l'alliance ait esté traittee aucc Abraham pour toute sa posterité, il appert de ces paroles, le seray to Dieu, & le Dieu de ta semence : voire il est dit, qu'en sa semence seroyent benites toutes les familles de la terre; & par consequent, que toutes nations auroyent part à sa benediction. Parce moyen, encor que, ces promesses ayent eu des occasions. particulieres des faits d'Abraham, assauoir son obeissance à Dieu, elles n'ont pas laissé de concerner sa posterité: comme il appert de ce mesme lieu que l'Apostre cite. Pour certain ie te beniray, & multiplieray tres-abondamment ta posterité comme les estoiles des cienx, &. comme le sablon qui est sur le bord de la mer, & ta posterité possedera la porte de ses

ennemis, & toutes nations de la terre seront benites en ta semence: pource que tu au obey à ma voix. Donques l'Apostre raisonne solidement, quand il pose que Dieu s'est entreposé par serment enuers les heritiers d'Abraham.

Reste l'autre difficulté, touchant la condition des heritiers, & touchant la nature de la benediction qui est promise. Il y a deux sortes de benedictions & d'heritiers: Il y a les biens terriens & temporels, & les biens celestes & spirituels: & il y a les heritiers d'Abraham selon la chair, & les heritiers selon l'esprit & la foy. Et comme les biens terriens ont esté types, ombres & figures des biens spirituels; aussi les heritiers d'Abraham selon la chair ont esté types & figures des heritiers selon l'esprit: tellement que Dieu, selon sa maniere de proceder en l'Ancien Testament, parle des vns & des autres,& par les vis regarde les autres, en sorte que ce qui n'a pas sa pleine verité en l'vn, la trouue en l'autre. Et si vous en demandez des preuues. La premiere est, Que les luifs mesmes aduoeent que la pluspart des choses que Dieu promettoit

Sur Hebr.chap.6.vers.13--18. \$97 toit anciennement estoyent figures des choses qui devovent estre accomplies au siecle du Messie. Ils aduoiient que la semence promise à Abraham, en laquelle deuoyent estre benites les familles de la terre, regardoit le Messie, à raison dequoy l'Apostre aux Galates dit, que la semence c'est Christ, c'est à di-Gal. re, Christ auec tout son corps mystis que, qui comprend tous les croyans Il faut donc que soyent entendus tous les sectateurs du Messie, & tous ceux dont il dit à Dieu, Me voicy & les enfans Efa. 3, que su m'as donnés. Laseconde raison est, que les promesses de Dieu ne peuuent avoir vne entiere verité autrement: car comment seroyent benites toutes les nations, si la promesse estoit resserree à la nation des Juiss; & comment benites de la benediction temporelle de la terre de Canaan, veu qu'elles occupét l'Vniuers? Mais comment toutes nations deuenir la semence d'Abraham & les heritiers d'Abraham, finon au moyen d'vne naissance spirituelle & de la foy? La troisieme raison est, que c'est la foy que Dieu auoit recommandee & exaltee en

898

Abraham, & non l'estat de la chair & du sang, quand l'Escriture dit, qu'Abrabam creut à Dieu, & que cela luy fut imputé à iustice; & partant les heritiers d'Abraham doiuent plustost estre censés selon la foy que selon la chair. La quatriéme preuue est, que Dieu auoit asses donné à entendre que ce n'estoit point tout ce qui estoit issu d'Abraham selon la chair, qui estoit semence, quand il reietta Ismaël, monstrant Rom.9. par là qu'il tenoit pour semence ceux qui naistroyent sclon l'esprit & scroyent enfans de la promesse comme Hazc. O Iuif, la Sara sterile, laquelle n'enfantoir point, aobtenu la promesse, & a par vne vertu diuine engendré à Abraham & à Dieu les nations, & ainsi Abram est deuenu Abraham, de pere grand, il est deuenu pere de plusieurs nations : & c'estoyent dequoy estoyent pleines les Propheties, assauoir de la vocation des Gentils. Venez donques icy, ô hommes, voir l'accomplissement des promesses de Dieu: Voyez la semence d'Abraham multiplice comme les estoiles du ciel & comme le fablon de la mer, en la multitudo

## Sur Hebr.chap.6.vers.13--18. 899

titude innombrabledes croyans:l'Ancien Israel a peu se nombrer, mais voicil'Israël mystique &spirituel en effe& innombrable à tous hômes, en qui par consequent la promesse de Dieu trouue sa pleine verité. Et comme saac ne nasquit point à Abraham par ses forces naturelles,maispar la vertu furnaturelle que Dieu mit en son corps ia amorti, aussi cet Isac mystique, qui est le corps des croyans, ne naist point à Abraham par la vertu de l'homme & par les forces de son arbitre mais il naist de la vertu de Dieu. Aussi le vray Isaac, en qui nous sommes nommés semence, & qui a ellé par effect offert en sacrifice en la montagne de Morija, n'estoit point né de la vertu de l'homme, mais a esté conceu du S. Esprit au ventre do la B. Vierge: & derechef, comme Ifaas nasquit par la vertu de la parole & promesse, est-ce pas par la vertu de la pazole de l'Euangile & de la promesse dé grace que nous sommes engendrés à Dieu ? selon que dit S. laques : Dien nous a engendrés de son propre vouloir par la parole de verité, cette patole estant la puissance de Dieuen salut à tout croyant.

Voila quant aux heritiers.

Quant aux biens, c'est icy où vous verrez premierement la vraye Canaan promise à Abraham, assauoir la Canaan & Ierusalem celeste, la Cité du Dieu viuant, où sont les milliers d'Anges & les esprits des justes qui sont sanctifiés. Canaan decoulante non en laict & en miel, mais en delices Angeliques & divines, & en plaisances qui font en la dextre de Dieu pour iamais: & c'est la Canaan laquelle Abraham luy-mesmes a regardee à trauers la promesse de la Canaan terrienne, selon que dit nostre Apostre au chap. 11. de sectte Epistre, Par foy Abraham demeura comme estranger en la terre promise, comme si elle ne luy eust point appartenu, habisant en des tentes auec Isaac & Iacob, beritiers auec luy de la mesme promesse: car il attendoit la cité qui a fondement & de laquelle Dieu est l'architecte & le bastisseur. Secondement, c'est ici où vous verrez la semence d'Abraham benite tresabondamment, allauoir d'une benedi-Ephos.1. Etion spirituelle és lieux celestes en les us-Christ. Les benedictions temporelles, soit des Patriarches, soit des enfans d'Israël

Sur Hebr.chap.6.vers.13-18. 90i d'Israël en Canaan, n'ont esté que des petites ombres de ces benedictions,& c'est en celles ci seules que se trouuo la pleine verité des promesses de Dieu, afin que le luif soit contraint d'y regarder. Car autrement, où a esté la benediction tres-abondante d'Abraham? Abraham ayant esté errant en la terre parmi beaucoup de difficultés & do maux? où celle de lacob, lequel dit à Pharao, que les iours de sa peregrination auojent esté courts & mauuais? Combien de fois la Canaan terrienne a elle estê degastee & desolee par les peuples voifins?combien de fois Ifraël battu,vainou & afferui par ses ennemis? Les natiós sont-elles pas souuent entrees en cet heritage? Les sangliers ont-ils pas souvent degasté cette vigne de l'Eternel? Ierusalem a-elle pas esté souuent destruite, comme encor le temple demeure totalement demoli depuis plus de quinze cens ans? Or remarquez que Dieu auoit dit à Abraham, non simplement, je te beniray, mais ie te beniray tres-abondamment. En l'Hebreu il y a, Ie te beniray en te benissant, qui est vne façon de parler qui exaggere la chose:

LII iii

d'où s'ensuit que ce deuoit estre vne benediction accomplie & parfaite, & à laquelle rien ne manquast de ce qui est requis à la felicité de la creature: Faut donc de necessité vne benediction, par laquelle la creature soit mise en la possession d'vn bien souverain, & par consequent en la fruition de Dieu, en la iouissance d'vne vie & beatitude eternelle. Aussi certes les termes de la promesse conduisoyent là, Dieu ayant dit à Abraham, Ie suis ton loyer, ie suis ton Dien & le Dien de ta semence : car comment est-ce que Dieu est nostre Dieu, finon en nous communiquant fa vie, sa saincteté & sa felicité, autant qu'elle peut estre communiquee à la creature? A raison dequoy Iesus Christ prouua qu'Abraham, Isaac & Iacob devoyent ressusciter en gloire, pource que Dieu s'estoit appele le Dieu d'Abraham, d'Isaac & de Iaceb, pource que Dien n'est pas le Dieu des morts, mais des viuans, c'est à dire, Dieu, qui est tout vie, no peut laisser en la mort ceux ausquels il se communique: carici il promet de se communiquer comme Dieu, non donques en choses caduques & finies, mais

Sur Hebr.chap.6. vers.13---18. 903 en biens eternels & infinis, afin que sa communication soit distinguee d'auec celle des creatures, desquelles tous les biens qu'on a sont choses passageres & finies. En troisiéme lieu, c'est ici où so trouue la vraye protection & l'accomplissement de ce qui fut dit à Abraham au passage que nostre Apostre a cité, Taposterité possedera la porte, (c'est à dire la puissance) de tes ennemis: car ici se trouuent vaincus en Iesus Christ tous les ennemis du fidele; ici se trouuent despouillees les principautés & puissances & publiquement menees en monstre. Iesus Christayant triomphé d'elles en la croix; & par cette victoire l'Apostre declare que nous sommes plus que vainqueurs, & que Satan

Voila donc, mes sceres, quelle est la promesse, pour la confirmation de laquelle l'Apostre dit en nostre texte, que Dien s'est entreposé par serment enners les heritiers de la promesse, c'est à dire, enuers tous sideles; où remarquez ces mots, heritiers de la promesse: qui nous distinguent d'auec les enfans de ce monde. Ceux-cy ont pour L11 iiii

sera en bref brisé sous nos pieds.

heritage les biens terriens: A nous nostre heritage c'est la promesse de Dieu; la promesse de vie & felicité celeste: nous sommes cette tribu de Leui, & cette sacrificature de laquelle Dieu se disoit estre la portion & l'heritage, & pourtant n'auoit point de portion en la terre: & en cette consideration Dauid disoit, mesmes au milieu des ombres, Seigneur, deliure moy des gens du monde, desquels la portion est en la vie presente, d'inremplis leur ventre de ton threfor, tellement que leurs enfans en ont teur saoul, & laissent le demeurant à leurs petits enfans; mais moy ie verray ta face. en iustice, & seray rassasié de ta ressemblance quand ie seray resueillé. Et au Ps. 16 L'Eternel est mon heritage & la portion de mon breuuage, &c. Pourquoy, ô Chrestien, pretends-tu auoir icy-bas & biens & repos, veu que pendant que tu es en la terre, tu n'as que promesse de l'heritage, & par consequent c'est ailleurs qu'elle te doit estre pleinement executee & accomplie: Tues icy bas comme l'ancien Îsraël, pendant qu'il voyageoit par le desert, n'ayant que la promesse de la terre

Sur Hebr.chap.6.vers.13--18. 905 terre de Canaan, & non encor la chose. Ainsi aujourd'huy il faut que tu faces profession d'estre estranger & voyager sur la terre, cerchant pour ton heritage le ciel. Cest pourquoy l'Apostre au 8. de l'Epistre aux Romains dit, que ce que nous sommes sauués, c'est en esperance, & au chapitre 11. de cette Epistre aux Hebreux dit, que nostre foy est la subsistence des choses qu'on espere & la demonstrance des choses qu'on ne voit point. Secondement, c'est tres à propos que l'Apostre appelle icy les sideles, heritiers de la promesse, veu quo son but est d'exhorter à pleine certitude de foy & d'esperance. Or vne promesse ne se reçoit que par foy,&la chose promise que par esperance, assauoir tadis que la promesse n'est pas mise en execution; car l'execution venue elle n'est plus promesse, mais la chose mesme. Si donc pendant que nous sommes ici bas c'est promesse, il s'ésuit que nous deuons estre soustenus par foy & esperance. Et c'est dequoy l'Apostre nous donne icy Abraham pour exemple.

II. POINCT.

Et ainsi Abraham, ayant attendu pa-

tiemment, obtint la promesse. Le mot que nous traduisons, attendre patiemment, signific estre d'vn esprit patient, supportant & attendant longuement, c'est celuy que S. Iaques employe au chap. 5. Or donc, freres, attendez patiemment infques à la venue du Seigneur : voicy le laboureur attend le fruict precieux de la terre, vsant de patience iusqu'à ce qu'il reçoine la pluye de la premiere & de la derniere saison. Vous donc ausi attendez patiemment & affermissez vos cœurs: car lavenue du Seigneur est prochaine. C'est ce qu'en l'Euangile Iesus Christ appele posseder nos ames en silence & patience. C'est cette attente de foy & patience qui est si souvent recommandee és Escritures, comme au Pscaume 27. Atten l'Eternel & tien bon, & il fortifiera ton cœur, voire atten-toyà l'Eternel: Et Ps.37. Tien-toy coy, t'arrestant à l'Eternel & l'atten ,ne te despite point au moins pour malfaire: Et le Prophete Habacuc chap.2. Si le Seigneur tarde, atten-le, car il ne faudra point de venir, & ne tardera point; voicy l'ame qui s'esteue en quelqu'un ne se tient point droit en luy: mais le inste viura de sa foy. Et remarquez que ce mot

Mar Hebr.chap.6.vers.13-18. 907
mot presuppose, outre vne longueur
de temps, pendant lequel on attend,
diuers maux & trauaux qu'il y a a supporter & diuerses tentations qu'il y a
à soustenir; comme de fait le sidele est
appelé à combats continuels: à raison
dequoy l'Apostre en cette Epistre
chap.10.dit, Vous auez besoin de patience
assin qu'ayant fait la volonté de Dieu, vous

en rapportiez la promesse. Or est tres-à propos & tres-excellent ici l'exemple d'Abraham, soit quo vous regardiez la chose, soit que vous regardiez la qualité de sa personne. Si la chose; voyez-le, apres la promesse que Dieu luy a faite, d'estre son loyer & son bouclier, errer çà & là parmi des peuples infideles, & souffrir divers maux iusques au rauissement de Sara sa femme: Secondement, voyez-le, apres la promesse d'auoir en horitage la terre de Canaan, y estre toute sa vie comme estranger, habitant en des tentes: En Troisième lieu, voyez-le, apres la promesse qui luy fut faite d'vne posterité tres-numereuse, récontrer la femme sterile, & venir insques à l'aage d'enuiron cent ans, sans auoir l'enfant

que Dieu luy auoit promis : En quatriéme lieu, voyez-le, apres auoir eu cet enfant, receuoir le commandemét de le mettre à mort, comme pour aneantir tout ce que Dieu luy avoit promis, & frustrer toute son esperance. O quelles tentations, & quels trauaux! Et neantmoins le voila qui en toutes ces choses ne fait point de doute par desfiance, mais est fortifié par foy, donnanegloire à Dieu. Premierement le voila, qui, parmi les dangers & la haine des peuples infideles, entre lesquels il conuersoit, se confie en Dieu, qui luy auoit promis d'estre son bouslier. Secondement, le voila, qui par foy demeure comme estranger en la terre promise, cerchant & attendant vn meilleur païs, affauoir le celeste; Dieu, Hebr. 11. qui n'auoit point pris à honte d'estre

Hobr. I. qui n'auoit point pris à honte d'estre appelé son Dieu, loy ayant preparé vne cité. En troisséme lieu, le voila, qui, en la sterilité de Sara, & en l'amortissement de son corps, croit sous espe-

re de plusieurs nations, regardant à Dieu, qui appelle les choses qui nesont point, comme si elles estoyent: En

qua- .

Sur Hebr.chap.6.vers.13--18. 909
quatriéme lieu, le voila, qui, lors mesmes qu'il se resoult d'offrir son fils en
sacrifice, ne pert point esperance, mais
croit à celuy qui fait viure les morts,
comme dit l'Apostre au 4.aux Rom. &
chap.11. de cette Epistre, Par soy Abraham offrit Isac, quand il fut esprouué, voire celuy qui auoit receu les promesses offrit
son fils vnique, (au regard duquel auoit
esté dit, En Isac te sera appelé semence)
ayant estimé que Dieule ponuoit ressusciter
des morts, dont aussi par quelque semblance il le recouura.

Quant à la qualité de la personne. De qui pouvoit l'exemple estre en plus grande consideration, que de ce-luy, que tous tant luiss que Chrestiens, prenoyent à honneur de reconnoistre pour pere? comme de fait Dieu l'auoit rendu pere de tous, l'ayant nommé pere de plusieurs nations. Voulez-vous donques, ô Chrestiens, vous dire enfans d'Abraham, soyez imitateurs de sa foy, de sa patience, & de son obeïssance; autrement, à raison dequoy vous direz-vous ses enfans? Vous ne l'estes pas selon la chair, vous ne l'estes dont nullement, si vous ne suivez le train de

la foy d'Abraham. Et si, encor que les Iuifs fussent descendus d'Abraham, Iesus Christ leur nie, en S. Ican chap. 8. qu'ils fussent enfans d'Abraham, pource qu'ils ne faisoyent point les œuures d'Abraham: combien plus vous sera denié ce titre, si vous n'estes imitateurs des vertus d'Abraham. Prenez dons courage, fideles, en vos tribulations, esperez outre esperance en vos maux, regardez, comme Abraham, à Dieu, qui est fidele & puissant pour executer tout ce qu'il vous a promis; combatez le bon combat de la foy, afin que vous entriez comme Abraham en la cité qui a fondement, laquelle Dieu a bastic és cieux.

#### DOCTRINES.

Voila la force & le poids des argumens de l'Apostre en nostre texte. Maintenant remarquons-y brieuement diuers ensoignemens.

Et premierement, de se que l'Apos fire veut que nous jugions de l'vsage du ferment de Dieu par les sermés des homes, nous apprenons que tout ce qui

Sur Hebr.chap.6.vers.13--18. 911 se trouve de bien en la pratique des homes se trouue en plus forts termes en ce que Dieu s'en attribue enuers nous. Ainti pource que les hommes, qui font profession de vertu, gardent leurs alliances, l'Apostre monstre au 3. de l'Epistre aux Galates que rien n'a peu casser l'alliance que Dieu auoit traittee auec Abraham. Par cette maxime nous conclurrons nostre consolation de tous les traittés que Dieu fait auec nous à la semblance de la pratique des hommes:comme quand il agit auec nous comme nostre Pero, nostre Roy, nostre Espoux. Vn pere chastie fes enfans pour leur bien: vn Roy protege ses sujets: l'espoux met son espouse en la communion de ses biens: Dieu done fera tout cela à plus forte raison enuers nous.

Secondement, nous apprenons de se texte, qu'encor qu'au discours ordinaire Iesus Christ nostre Seigneur ait desendu tous sermens, voulant que nos affirmations & negations soyent ouy & non, neantmoins l'Apostre entendoit que les sermens estoyent d'vn vsage legitime entre les hommes,

quand il s'agit de terminer des differens; car remarquez que l'Apostre parle en termes de present, & non de l'vsage des sermens au temps passé: Le serment, dit-il, fait pour confirmation, est la fin de tout different. Partant a encor lieu sous le Nouveau Testament, ce que Dieu disoit au 4. de Ierem. Tu iureras, l'Eternel est viuant; mais coment cela? en verité, dit-il, en sugement & en iustice. Et si au Nouueau Testament le serment ne doit estre employé qu'aues grande circonspection & necessité; combien est grieue la coulpe de ceux qui y prennent le nom de Dieu en vain par sermens semeraires & frequens? Et combien est derestable le crime, & horrible la peine de ceux qui employent le sacré nom de Dieu en mentant? Ie suis viuat, (dit l'Eternel au 17. d'Ezec. touchant Sedecias, qui auoit violé le serment fait au Roy de Babylon) sie ne rennerse sur sa teste mon serment d'execration qu'il a mesprisé, & mon alliance qu'il a enfrainte.Il a mesprisé le serment d'execration, enfraignant l'alliance : & meantmoins voicy, ayant donné sa main, il a fait toutes cas choses la: il n'eschappera point. Et

Et remarquez ees mots de l'Apostre, Le serment leur est la fin de tout different; car alors on ne sçauoit point la maxime de ne pas tenir la foy aux heretiques, ou la pratique des equiuoques: choses qui reduisent aujourd'huy les hommes à ne pouvoir terminer aucun different, ni tenir ferme aucun traitté, quelque interuention qu'il y ait de sermens. O docteurs de mensonge, si nos sermens doiuent estre conformes à ceux de Dieu: dites-nous Dieu viole il iamais son serment quelque infidele que l'homme luy soit; ains dit l'Escriture au 2. de la 2. à Timotha Sinous sommes desloyaux, il demeure fidele, Et le serment fait par Sedecias au. Roy de Babylon, estoit-il pas fait à vn infidele? & neantmoins l'infraction en fut detestee de Dieu, & punie tresgriéuement.

En troisième lieu voyez icy condamnee la superstition de ceux qui iurent par des reliques & choses mortes & inanimees, l'Apostre disant, quo ceux qui iurent, inxent par un plus grad: Voire icyest condamné tout serment par le nom des creatures, puis qu'il Mmm faut que celuy, par lequel on îure, soit plus grand, assauoir premierement comme connoissant toutes choses & sondant les cœurs: & secondement comme iuge souverain & punisseur du mensonge: C'est ce plus grand par lequel iurent, soit les Rois & Princes de la terre, qui n'ont rien entre les hommes de plus grand qu'eux; soit les petits, dont les cœurs sont autant cachés que des plus grands.

En quatriéme lieu, voyons icy la grande bonté de Dieu enuers nous, de s'estre entreposé par serment: car premicrement, si entre les hommes, quand des Rois & des grands vous parlent, le respect vous oblige de vous contenter de leur parole, & n'osez les requerir de inter; combien plus la grandeur & maiesté de Dieu, si haute au dessus de nous, le dispensoit-elle de tout serment? Secondement, sa verité estant immuable, voire luy estant la verité mesme, c'estoit de son droict que sa simple parole fust receuë absolument. Combien donc, ô hommes, est admirable sa benignité d'auoir ainsi relasché de son droict & de son authorité, Pour

Sur Hebr.chap.6.ver 1.13-18. pour subuenir à nos desfiances! Et d'icy, mes freres, recueillez deux choses: L'vne, combien Dieu a à cœur vostre salut, veu qu'il s'abbaisse de la sorte pour surmonter nos defauts & remedier à nostre incredulité. Et l'autre, que la certitude de nostre salut, & la persuasion de l'amour de Dieu enuers nous, est necessaire: Car Dieu trauailleroit-il tant pour imprimer en nous cette certitude & pleine persuasion, si elle ne nous estoit conuenable à salut? Luy qui ne veut pas que l'on iure par fon Nom pour cause legere, & qui honore tant son Nom, jure roit-il par soymesme à moins que pour produire en nous vne chose requise? Que diront donc ici nos Aduersaires, qui non seulement ne requierent pas, mais condamnent comme presomption, l'asseurance que nous prenons de nostre salut? Auez-vous pas, ô Docteurs, combattu par ce moyen la sagesse & la bonté de Dieu? Auez-vous pas frustré l'Eternel du fruict de son serment? L'Apostre donc aneantit ici toutes leurs exceptions & distinctions, quand il dit, que Dieu est interuenu par serment; Mmm n

afin que nous ayions ferme consolation: car la ferme consolation peut-elle estre fans l'asseurance du salut? ains la vraye consolation ne consiste qu'en cela à l'encontre des miseres de la vie presente. Pourtant ne leur sert de dire, que le salut est bien asseuré du costé de Dieu; mais que du nostre il demeure douteux: car ainsi jamais nous n'aurions ferme confolation, ains neus demeurerions toussours en doute de nostre costé. Mais ie di, que le serment de Dieu comprent le support de nos infirmités & le pardon des desfauts qui sont de nostre costé: car ses promesses Esa.41: sont qu'il n'esteindra point le lumignon qui fume, & ne brisera point le roseau cas-1.Iean 1. sé, que si nous confessons nos pechés, il est fidele & inste pour nous les pardonner, qu'il Malach.; nous pardonnera comme un chacun par-Ezech.18. donne à son fils qui le sert, qu'il ne veut point la mort du pecheur, mais sa conuer-Pleau. 51. Sion & sa vie: que le cœur froisse & brisé Psea. 143. luy est un sacrifice agreable : que ceux qui ont faim & soif de iustice seront rassassés, Psansos en somme qu'il n'entrera point en iugement auec nous, ains qu'autant que l'Osient est essoigné de l'Occident, autant cfloiSur Hebr.chap.6.vers.13-18. 917 estoignera-il les forfaits de ceux qui le reuerent.

En cinquiéme lieu remarquons en ces mots, Il est impossible que Dieu mente: qu'est monstree l'absolue & essentielle verité de Dieu : les hommes peuuent mentir, pource que quand ils sont veritables, ils ne le sont pas par la necessité de leur nature, mais Par vne vertu qui est differente & separable de leur estre. Mais Dieu est veritable par la necessité & perfection essentielle de son estre. Pourtant en telle matiere, quand nous disons que le mensonge est impossible à Dieu, & que Dieu ne se peut renier soy-mesme, cela en effect est vne souueraine persection & puisance, quoy qu'exprimee par des termes d'vne impuissance, pource qu'en effect pouuoir mentir est vn defaut & vne impuissance. Et de là nous apprenons, qu'il ne faut point estendre la puissance de Dieu à des contradictions, pource que des contradictions enueloppent vn mensonge : comme qu'vn corps soit vn & non vn, qu'il soit dans certaines bornes en vn lieu, Mmm iij

& qu'au mesme temps il soit hors de ces bornes-là en des millions de lieux? Cela est sous pretexte de la puissance de Dieu, combattre sa verité, & establir le mensonge.

Mais si Dieu est si veritable', apprenons, mes freres, à gemir icy de nostre incredulité, & à combattre nos desfiances, nous souvenans que par les doutes & desfiances nous combatons & le serment de Dieu & sa nature. D'abondant, que la verité de Dieu nous soit & à instruction & à consolation. A instruction, contre l'inconstance & le mensonge. Car si vous parlez en mensonge l'vn à l'autre, vous prenez le charactere de Satan, vous renoncez au Dieu de verité, vous quittez la qualité & l'honneur d'estre ses enfans : c'est par l'estude & amour de verité en tous vos propos que vous deuez reconnoistre son image & vostre regeneration: Arriere donc le mensonge tant contraire à la nature de vostre Pere celeste. Arriere aussi la legereté & inconstance, que vostre parole ne soit point ouy & non; car aussi vostre Christ quiest l'image de Dieu ne vous

vous est pas ouy & non, c'est à dire,inconstance & changement, mais tous 2. C. autant qu'il y a de promesses, elles sont ony & amen en luy, c'est à dire, sont verifiees & ratifices. le di aussi à consolatio. Estes-vous, mes freres, en affliction, au dessous de la grandeur des maux, mettez-vous deuant les yeux la verité de Dieu en cette promesse, Ie ne t'abandonneray point, & ne te delaisseray point, à raison dequoy l'Apostre dit au 10. de la premiere aux Corinth. Tentation ne vous saisira point sinon humaine, car Dieu est sidele, qui ne permettra point que vous soziez tentez outre ce que vom pounez? mais il donnera l'issue anec la tentation, afin que vous la puissiez soustenir. Oyezle, vous disant en Esaïe, Quand les co-Esa-54. staux crosteroyent & les montagnes se remueroyent, ma gratuité ne se departira point de toy, & l'alliance de ma paix ne se bougera point. Entrez-vous en doute de vostre salut, oyez l'Apostre vous releuant & disant, Tenons la profession de nostre esperance sans varier, car celuy qui l'a promis est fidele : oyez Iesus Christ iurant & disant au 5. de Sain& Iean: En verité, en verité ie vous di, que

Mmm iii

celuy qui oit ma parole & croit en celuy qui m'a enuoyé, a vie eternelle, & ne viendra point en condamnation, mais est passé de la mort à la vie .

Et quant à l'histoire d'Abraham, que l'Apostre nous a mise deuant les yeux en nostre texte, apprenons ces deux choies: La premiere, que toutes les choses qui ont esté auparauant escrites és saincts liures, ont esté (ainsi qu'en parlel'Apostre aux 15. aux Rom.) escrites pour nostre endoctrinement, afin que par patience & consolation des Escritures nous ayions esperance. La seconde, qu'il faur que nous appliquions à nostre vsage tout ce que l'Escriture nous propose estre aduenu à aucuns des fideles; l'Apostre voulant que nous nous appliquions l'interuention du serment de Dieu enuers Abraham,& que nous facions estat, qu'ayans attendu patiemment, nous obtiendrons (comme luy) les promesses. Tu vois, sidele, l'histoire de Noé conserué sur les eaux, & de toutes parts enuironné de mort: voy-lapour t'asseurer que recourant à Dieu & le cerchant au temps qu'on le Pfit. trouve, fusses-tu en un deluge degran-

Sur Hebr.chap.6.ver[.13---18. 921 des eaux, elles ne paruiendront point iusqu'à toy. Tu vois l'histoire de lacob auec le cauteseux Laban, c'est pour t'asseurer que si tu chemines en integrité & verité, la benediction de Dieu te fera surmonter & aneantir les finesses & les fraudes du monde. Tu vois l'histoire de lob, c'est pour te consoler és pertes les plus grandes, & mettre deuant tes yeux le fruict & la remuneration abondante de ton esperance en Dieu & de ta patience. Tu vois l'histoire d'vn Ioseph persecuté tantost par enuie, tantost par calomnie; c'est afin que cheminant en la crainte de Dieu, tu te munisses de patience & d'esperance contre toutes enuies & calomnies. Tu vois vn Dauid disant , au Pscau. 71. O Dieu, qui est semblable à toy, quim'ayant fait voir plusieurs detresses & maux, derechef tu m'as rendu la vie, & m'as fait remonter hors des abysmes de la terre. C'est afin que tu ne fois estonné si Dieu te fait passer comme par

Mais aussi d'icy nous apprenons l'obligation que nous auons à imiter

diuers abysmes de maux & de trauaux

icy bas.

les vertus des fideles anciens, si nous voulons participer aux mesmes graces & benedictions de Dieu qu'eux. Pourquoy m'allegues-tu la promesse & la grace de Dieu enuers Abraham, toy qui n'as nulle part à la pieté d'Abraham? Pourquoy m'allegues-tu la benediction de Dieu enuers Isaac, toy qui vis comme vn Ismaël? La benediction de Iacob, toy qui vis comme vn Esau, ou comme vn Laban? ou pourquoy te promets-tu la mesme protection de Dieu que Dauid, toy qui vis comme vn Saul?

Et quant à Abraham, duquel nostre texte parle particulierement: combien peu, mes freres, sommes nous imitateurs de ses vertus, & combien peu suiuons-nous son exemple? Abraham quitta son pays & tout ce qu'il auoit, se contentant d'auoir Dieu pour son loyer: & nous ne pouuons estre contents, sinon que Dieu, outre l'esperance de sa grace celeste, nous garnisse la main de biens terriens. Abraham viuoit comme estranger en la terre, & cerchoit vn meilleur païs, assauoir le celeste; & nous auons nos cœurs en-

gagés

gagés en la terre comme les mondains. Abraham creut en Dieu contre les apparences des causes secondes, & nous, lors que les causes secondes nous manquent, perdons tout courage & toute esperance. Abraham attendit patiemmenel'Eternel, & nous, nous trauaillons nos esprits d'inquietudes & impatience. Abraham renonça à ses plus tendres & plus naturelles affections pour obeir à Dieu, iusques à sacrifler son propre fils à son commandement : & nous, mes freres, auons tant de peine à consentir que Dieu face sa volonté, & nous oste aucune des choses ou des personnes que nous cherissons. Et toutessois nous auons plus de suject d'obeir qu'Abraham, puis que nous auons veu Dieu ne point espargner son propre Fils, & l'exposer à la mort pour nous, ce qui nous estoit vn argumet de ne luy rien refuser: Secondement, Abraham regardoit la Canaan celeste obscurément & à trauers l'ombre de la terrienne; mais nous voyons à descouuert le ciel où Iesus Christ est entré comme auant-coureur pour nous : combien donc deuroit

## 924 Sermon Cinquieme

estre nostre foy plus asseurce & nostre

obeissance plus grande?

Finalement, mes freres, si Dieu interuint iadis enuers Abraham par setment, voyez-le interuenir enuers vous en l'Eglise Chrestienne par des nouucaux sermens, assauoir par les Sacremens, comme de faict le mot de Sacrement és autheurs de la langue Latine se prend souvent pour serment. Qu'estce, Chrestien que le Baptesme, que le serment que Dieu te fait de t'estre Pere, & te regenerer en Iesus Christ: Qu'est-ce que la saince Cene, que le serment qu'il fait d'accepter le corps & le sang de son Fils pour la rançon de tes pechés, & te donner, par le merite de sa mort, la vie eternelle? Et là aussi, mes freres, nous interuenons de nostre costé par serment de fidelité & obeissance. Partant tenons luy reciproquement nostre serment, en le seruant comme ses enfans, & ne viuans plus au peché, & à nous-mesmes, mais à luy & au choses celestes.

Ainsi soit-il.

SERM.